

Broj: 15-13-SH/22

Datum: 07.02.2022. godine

Na osnovu člana 69. Zakona o javnim nabavkama BiH („Službeni glasnik BiH“, br. 39/14), člana 14. Pravilnika o javnim nabavkama Lutrije BiH br. 2805/19 od 17.09.2019. godine i Zapisnika o pregledu i ocjeni ponuda Komisije za javne nabavke br. 15-12-SH/22 od 04.02.2022. godine, direktor Lutrije Bosne i Hercegovine, donosi

### O D L U K U

#### o otkazivanju postupka javne nabavke po konkurentskom zahtjevu za javnu nabavku broj 001/22 od 07.01.2022. godine

1. Otkazuje se postupak po konkurentskom zahtjevu javne nabavke roba br. 001/22, *Zakup licence za Veam Backup and Recovery* od 07.01.2022. godine, objavljenom na Portalu javnih nabavki pod brojem 523-7-1-11-3-22/22 dana 07.01.2022. godine.
2. Postupak iz tačke 1. ove odluke otkazuje se u skladu sa članom 69. stav (3) ZJN BiH, Ugovorni organ može otkazati postupak javne nabavke samo zbog dokazanih razloga koji su izvan kontrole ugovornog organa i koji se nisu mogli predvidjeti u vrijeme pokretanja postupka javne nabavke.
3. Za realizaciju ove odluke odgovoran je Sektor za pravne i opšte poslove.
4. Dalji postupak po ovoj odluci provesti u skladu sa Zakonom o javnim nabavkama BiH, te Pravilnikom o javnim nabavkama Lutrije BiH.
5. Ova odluka se primjenjuje danom donošenja.

### Obrazloženje

Predmetna javna nabavka je pokrenuta 07.01.2022. godine i gdje je ovaj ugovorni organ donio posebnu Odluku o pokretanju postupka u skladu sa članom 17. stav (1) Zakona o javnim nabavkama BiH, jer u trenutku pokretanja postupka nije bio usvojen Plan poslovanja i Plan javnih nabavki za 2022. godinu. Procjenjena vrijednost nabavke je iznosila 38.461,00 KM bez PDV-a.

Dana 28.01.2022. godine usvojen je Plan nabavki za 2022. godinu i gdje je za stavku zakup licence za Veam Backup and Recovery planiran i odobren iznos od 13.000,00 KM bez PDV-a. Kao što je poznato, u prethodnom periodu je došlo do značajnog poskupljenja energenata, repromaterijala i drugog, što je znatno povećalo troškove poslovanja ovog ugovornog organa, te samim tim ovaj ugovorni organ nije bio u mogućnosti obezbjediti sredstva za predmetnu nabavku za kupovinu licenci za trogodišnji period, nego su obezbjeđenja sredstva za kupovinu licenci za jednogodišnji period. Iz navedenog, Komisija predlaže da se otkaže postupak javne nabavke, jer nisu obezbjeđena sredstva za predmetnu nabavku u planu nabavki za 2022. godinu.

Uzimajući u obzir naprijed navedeno, odlučeno je kao u dispozitivu ove odluke.

**POUKA O PRAVNOM LIJEKU:**

Protiv ove odluke, svaki ponuđač koji je učestvovao u postupku nabavke, može izjaviti žalbu Uredu za razmatranje žalbi BiH putem Ugovornog organa i to na način propisan odredbama člana 99. Zakona o javnim nabavkama, u roku od 5 (pet) dana od dana prijema ove odluke.

Dostaviti:

- Sektor pravnih i opštih poslova
- Sektor za marketing
- Komisiji za javne nabavke
- Nadzornom odboru
- Ponuđačima po javnoj nabavci 001/22
- a/a

